



**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

IX. An & qua ratione bona seu spiritualia seu corporalia dimitenda sint
propter scandalum.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

Primum, an eiusmodi necessitati vel utilitati non possit commode alia ratione satisfieri. Secundum, an non secundum leges charitatis præsens illa necessitas, utilitas, vel commoditas postponi debat malo, quod ex tali cooperatione per accidens sequitur: alterutra enim hac circumstantia præsente, nulla est causa peccato proximi cooperandi. Plura supra q. 9. dub. 5. de fide. Quibus adde tertio, annon speciali lege prohibutum sit, mercem alii cui vendere, vt de veneno accidit.

106 ASSERTIO V. Per se quidem & secluso odio, vi vel fraude, non est mortale, aliquæ ab indebito bono (etiam consilio vel præcepto) impeditre, attamen per accidens esse potest, non solum ex dictis causis; sed etiam si ob amissum eiusmodi bonum, quod sine causa impeditur, graui periculo salutis proximū exponi contingat, vt communiter accidit ei, qui ad Religionem à Deo vocatus in sæculo manet. Atq; hoc sensu admitto, quod dicit Barnes a. 4. mortale esse, aliquem sine causa impeditre à notabili bono, quod aliunde non facile compensari possit. Multo minus licet proximo in peccato mortali constituto dissuadere pœnitentiam, etiam eo tempore, quo alias pœnitere non tenetur; quia pœnitentia est bonum ei absolute debitum, nec in mea est potestate situm, vt alio quo velim tempore, proximū ad eam perducam; sicut ipse in sua potestate, cum auxilio gratiae habet, conuersti, quando voluerit.

DVBIVM IX.

An, & quare ratione bona seu spiritualia, seu temporalia dimittenda sint, propter scandalum.

s. Thomas 2. 2. q. 43. art. 7. & 8.

107 DE hac re, S. Thomæ doctrina sequentibus Aſſertionibus continetur. ASSERTIO I. Nihil est faciendum cum scandalo aetiuo, utpote quod nihil aliud est, quam dictum vel factum minus rectum, alteri opinione spiritualis occasionem præbens. Ita S. Thomas q. 43. a. 7.

Vnde colligitur, omnem rem, seu actionem non solum malam, sed etiam mali speciem habentem, omittendam esse propter scandalum subsequens, vt etiam assertit S. Thomas q. 43. a. 2. & communis apud Sylvestrum, Caietanum, & SaV. scandalum, iuxta illud ad Thessalonicenses 5. v. 2. *Ab omni specie mala abstine vos & i.* Cor. 6. vers. 12. & cap. 6. v. 22. *omnia mibi licent* (secundum se) *sed non omnia expedient.* Ratio est. Quia scandalum, tali casu plane oriatur ex vi ipsius actionis, non aliter fere quam si mala esset; utpote quam alius merito malam existimat. Quo fit, vt ex suo genere mortale sit, criminis aliquius speciem, etiam simulando, præferre, si inde sequatur scandalum mortale; secus si non timeatur scandalum, vt docet etiam Nauarrus man. cap. 14. n. 29.

108 In casu tamen magnæ utilitatis, vel necessitatis, quæ scilicet valde præponderaret secuturo scandalum, non existimarem id intrinsece esse illicitum, vt

colligi potest ex dictis de usurpatione signorum falsæ religionis disp. 1. q. 7. dub. 5. Ratio est. Tum, quia & res illa per se malam non est, & in hoc casu, scandalum illud nec directe voluntarium est, vt suppono, nec indirecte; hoc ipso quod supponere causa rationabili, vitari non debuit. Tum quia id non est intrinsece malum: nec ob ingenerandam falsam opinionem; talis enim error saepe permiti potest: nec ob subsequens scandalum, quando hoc solum peraccidens sequitur, nec intentum est. Est ergo scandalum permisum tantum, non datum. Adduci posset in exemplum simulatio Petri, quam S. Paulus reprehensibilem ideo fortasse dixit, quia malum speciem habebat; & tamen a peccato omni excusant magni autores, vt dictum tomo 2. disp. 5 q. 3. dub. 5. Alia exempla huius rei passim legitimis virtutis Sanctorum, præsertim Simonis Salii.

ASSERTIO II. Propter scandalum vitandum, non sunt omittenda spiritualia, hic & nunc ad latenter necessaria; Ita cum S. Thoma cit. art. 7. docent omnes. Ratio est; quia secundum ea, nos ipsos potius, quam proximum amare debemus, ex dictis de ordine charitatis q. 3. dub. 4.

ASSERTIO III. Bona spiritualia, quæ non sunt necessaria ad salutem, non sunt omittenda propter scandalum Pharisæorum, qui ex malitia voluntimpedire huiusmodi bona, temere concitando scandalum. Ita S. Thomascit. art. 7. ex commun. Pater Matthæi 15. v. 14. *Sinu illos: cæci sunt, & duces cæcorum.* Cæci autem si eodem ducatum præfert, ambo in foveam cadunt. Ratio. Quia isti propriæ non sunt in aliqua necessitate spirituali: quando sponte sua ex bono mali occasionem captant. Accedit, quod alias vix quicquam boni eximij præstare licet: quando semper aliqui inde ruinæ occasionem accipiunt.

Intelligitur tamen id ordinarie. Nam aliquando bona quædam adeo levia esse possunt, vt plane melius, & charitati conuenientius sit, ipsa occultare, vel differre, vel cum aliquo meliori commutare, quam malitioso homini quomodounque peccandi ansam præbere.

ASSERTIO IV. Bona spiritualia, quæ non sunt necessaria ad salutem, sunt occultanda, vel differenda nonnunquam, vbi periculum non imminet, propter scandalum pusillorum, qui ex infirmitate vel ignorantia scandalizantur, donec ratio facta reddatur. Ita S. Thomas cit. a. 7. ex commun. Ratio est; quia saepe maior ad Deum honor redit, ex hac omissione boni, quam prosecutione eiusdem: fierique potest iuxta ordinem charitatis, vt ob vitandum graue id malum proximi, recte post habeatur bonum illud spirituale proprium.

ASSERTIO V. Si redditæ ratione, adhuc scandalum duret, iam videtur esse scandalum ex malitia, ac propterea negligendum; iuxta S. Thomam ibidem: nisi forte, vt recte notarunt Caietanus & Barnes hic, pusilli non fuerint capaces redditæ rationis, vel propter pristinam consuetudinem, vel propter contrariam aliquam rationem magis apud eos apparentem, &c. tunc enim vitandum, vt antea, sicut etiam quando pusillorum scandalum non oritur ex ignorantia, sed ex fragilitate, iuxta eosdem.

ASSE-

ASSESSIO VI. Iuxta S. Thomam a. 7. responsione 1. ad 2. Sunt quedam opera, quorum bonitas ex propria sua ratione excludit sequens scandalum, quae proinde in aliquo casu scandalii necessario omittenda. Talis est peccatorum punitio, quae cum ex sua natura referatur ad bonum communem, & cohibet peccata, bona esse nullo modo potest, quando ex ea plura & maiora peccata sequi constat, iuxta Augustinum contra Epistolam Parmeniani lib. 3. cap. 2. asserentem; *ubi schismatis periculum timetur, à punitione peccatorum cessandum esse*: talis est etiam correctio fraterna, quæ vbi quis putatur scandalizandus, non emendandus, locum non habet, ut suo loco di-
ctum.

ASSESSIO VII. Veritas quidem doctrinæ propter scandalum nunquam est deserenda; ita scilicet, ut falsum doceatur: attamen actus docendi secundum congruentiam temporis & personarum exercendus est, etiæ ab eo, cui alioqui docendi minus incumbit; adeoque nonnunquam propter scandalum dimittendus. Ita S. Thomas cit. a. 7. & constat ex dictis q. 5. dub. 3. Non ita tamen ut communis & necessaria fidei aut morum doctrina, suo loco & tempore à Pastoribus aut concionatoribus prætermittatur.

ASSESSIO VIII. Consilia Euangelica, & opera misericordiae non sunt simpliciter ac ex toto omittenda, propter scandalum. Ita S. Thomas ibidem ex communi: quia iuxta Hieronymum in Matthæi 15. & refertur in Glossa ordinaria; propter scandalum dimittendum est omne, quod posset prætermitti, salua tripli veritate, vita, iustitia, & doctrina; sub quibus comprehenditur non solum id, quod est de necessitate salutis; sed etiam, quo perfectius venitur ad salutem, iuxta 1. ad Corint. 12. v. 31. *Aemulamini autem charitatem meliora*, subinde tamē ista recte differri, vel vnum in aliud commutari, apud omnes constat.

ASSESSIO IX. Bona temporalia, quorum nos Domini sumus, propter scandalum infirmorum, aut totaliter dimittenda, iuxta charitatis ordinem; aut scandalum aliter sedandum. Propter scandalum autem Pharisæorum dimittenda non sunt; id enim noceret non solum bono communni, dum malis daretur occasio rapiendi aliena; sed etiam ipsis raptoribus, qui retinendo aliena in peccato remanerent. Ita S. Thomas art. 8. ex communi.

Addit tamen; nisi aliande ob aliorum bonum eiusmodi iactura temporalium rerum sit negligenda, ut si Princeps potius hæresin in suam provinciam introdusceret, quam restituere velit bona Ecclesiastica, ut docent Caietanus, Valentia, Bannes, Sa loc. cit. qui addunt, ita sape excusari Pontificem, dum bona & iura Ecclesiastica permittit à Principibus sine iure usurpari: quo tamen casu, non ideo Principes à peccato excusantur: nisi forte ob ignorantiam & bonam finem.

ASSESSIO X. Ea vero bona temporalia, quæ nostra non sunt, sed nobis conseruanda pro alijs commissa, sicut bona Ecclesiæ committuntur prælati, & bona communia rectoribus Reipubli-

cæ, non sunt dimittenda propter scandalum; iuxta S. Thomam ibidem, & communem; cum ea sub necessitate salutis tueri teneamus. Idque confirmatur exemplo S. Thomæ Cantuarense Archiepiscopi, qui bona & libertatem Ecclesiæ contra Regem acriter & ad mortem usque defendit.

Sed nota ex Caietano ibidem. I. Et si Papa aliquique Prælati sint, bonorum communium administratores, non domini, ac proinde illa regulariter conseruare teneantur; quin & restituere illi, quibus ipsi pro libito sine ratione ea donarunt; cum omnis Ecclesiastica rei donatio pietate vel necessitate vacua, non distributio, sed dissipatio sit, à dispensatore usurpata: ex probabili, tamen sententia eiusdem Caietani, & aliorum, ut dicemus disp. 4. q. 1. dub. 4. habere eiusmodi dominium ipsam communiam sive Ecclesiam; quæ proinde tanquam domina de illis disponere, nec ea ita conseruare tenetur.

II. Posse aliquando, & debere Prælatos dissimilares ad tempus repetitionem bonorum, propter scandalum, præcipue pusillorum; aliquando etiam propter grauiæ mala obuentura, ut dictum, penitus omittere. Nam idcirco etiam Ecclesia in multis locis decimas alioqui debitas non exigit, iuxta S. Thomam ibidem.

III. Posse etiam Prælatos non solum ijs, quibus necessaria ad vitam desunt, sed etiam subinde alijs, qui egerit opportunis ad conuenientiam sui status, tanquam pauperibus, per modum elemosynæ condonare bona quædam Ecclesiastica; ac propterea prætextu officij, non admodum tenebit ad subditorum vexationem.

IV. Meminerint Prælati, inquit Caietanus, quod gratiorum Deo exhiberent famulatum, quando proculando, quod Ecclesia donaret, cum id felices spirituali bono populi expedit, quam procurando eorum repetitionem: temporalia namq. propter spiritualia, & non e contra esse debent apud Christianos. De qua re etiam videlicet Baronius tom. II. circa annum 1010. Atque hæc fere S. Thomas.

Ex quibus colligitur I. posse etiam & debere nonnunquam ad vitandum scandalum pusillorum (non autem Pharisæorum, nisi forte per accidentem, ut dictum) qui videlicet ex ignorantia vel infirmitate scandalizantur, aliquid alioqui præceptum negligere vniuersali regula seruata, ut quando concurrat aliud quoddam præceptum incomprensibile, seu diuinum, seu humanum, cum præcepto de vitando scandalo, seruetur, id quod omnibus spectatis videatur maius, magisque obligans, vt docent Adrianus quodlib. 1. a. 2. Bannes hic q. 43. a. 7. Valentia q. 1 & pun. 4. Suarez tom. 3. disp. 66. sect. 4. & disp. 68. sect. 5. Henriquez lib. 8. c. 47. n. 4. & indicat S. Thomas a. 7. ad 5. quicquid in contrarium dicat Vasquez 1. 2. disp. 162. n. 17. propter scandalum, etiam infirmorum, nullum præceptum, seu diuinum seu humanum negligendum, contra communem. Ratio est; quia concurrentibus duobus præceptis, quorum utrumque seruari non potest, obligare definit alterum, quod vim obligandi minorem habet.

I 21 Exempla varia adducunt citati. Speciatum Valentia illud; si mulier vadens die festo ad templū, audiendi saepe gratia, præberet alicui infirmo occasionem scandalī, teneretur, inquit, manere domi. Sed hoc vix est morale; quia iudicium indeterminatum de aliquo ex plebe scandalizando nō sufficit, quia sic vix vñquam liceat prodire, vt recte Nauarrus cap. 14.n. 38. seu 37. Si quando autem tale iudicium de aliquo in particulari recte concepitur, tum is communiter erit talis, qui iam non ex sola fragilitate, sed ex malitia peccabit, ob cuius proinde scandalum, nullum præceptum negligendum, vt fatetur idem Valentia ex communi.

Exemplum melius adfert Bannes de muliere, que ne morosum aut Zelotypum virum grauiter offendat, ieunium aut missam omittit, non solum ob bonum viri, sed ob proprium bonum pacis, & tranquillitatis, proprijsque scandalī periculum vitandum. Alia exempla particularia in varijs materijs passim occurunt.

I 22 Colligitur II. In actionibus, quæ nec per se

malæ, nec speciem mali habent (has enim omitendas in casu scandalī, ex dictis liquet) nec etiam ex præcepto necessariæ sunt, causam attendam esse: si enim ita vel necessariæ, vel viles sint, ut eis secundum charitatis ordinem merito possit illud incoram dū spirituale postponi, licet portent ex exerciti, nō obstante scādalo, alias omitendas: iuxta dicta de ordine charitatis q. 3. dub. 4.

Vnde si proximus coniiciatur in extremam necessitatem spiritualem, propter meum opus, abstinentiam erit etiam cum periculo vita, nisi forsitan absque gravi necessitate spirituali proprijs, aut extrema alterius, cui magis consulendum, nō possim: si in grauem, abstinentiam, si absque gravi meo & aliorum, quibus magis confundendum, incommodo possim: si duntaxat in leuen, non teneor vitare, nisi facile possim. Et in his omnibus seruata proportione maior est obligatio parochi & habentium curam animarum, iuxta dicta de ordine charitatis loc. cit. Plura Nauarrus Man. cap. 14. à n. 33. & Lopez. I. part. cap. 30. Atque hæc de Charitate satis.

INDEX DISPV TATIONIS III.

DE PRUDENTIA, FORTITUDINE, TEMPERANTIA, ac virtutibus annexis.

Quæstio I. De Prudentia, ac virtutibus annexis.

Dubium I. De Prudentia secundum se, quid sit, in quo subiecto; quod obiectum & quos actus habent.

II. De divisione prudentia, eiusq; partibus integralibus, subiectivis, & potentialibus; itemq; de dono consilij adiuncto.

III. Quonam modo prudentia ad ceteras virtutes se habeat.

IV. De præceptis prudentiae, ac vitijs eidem oppositis.

Quæstio II. De fortitudine, ac virtutibus annexis, vitijsque oppositis.

Dubium I. De fortitudine secundum se, ac dono fortitudinis adiuncto.

II. De actibus fortitudinis, speciatim de Martyrio, veluti præcipuo actu fortitudinis.

III. De præceptis fortitudinis, ac vitijs fortitudini oppositis, nimirum timore, intimiditate, audacia.

IV. De partibus fortitudinis in communi, ac speciatim de Magnanimitate, velut prima virtute fortitudini adiuncta, ac vitijs eidem oppositi, nimirum præsumptione, ambitione, inani gloria, ac pusillanimitate.

V. De Magnificentia, secunda virtute fortitudini annexa, ac vitijs eidem oppositis.

VI. De tertia & quarta virtute fortitudini adiuncta.

&c., scilicet patientia, & perseverantia, ac vitijs oppositis.

Quæstio III. De Temperantia ac virtutibus annexis, vitijsque oppositis.

Dubium I. De ipsa temperantia secundum se, vitijsque oppositis, ac præcepta in genere.

I. De partibus temperantia in genere; ac speciatim de duabus eius partibus integrantibus, verecundia & honestate.

III. De abstinentia & sobrietate, velut partibus subiectivis temperantia, vitijsque oppositis, gula, & ebrietate.

IV. De ieunio, velut actu abstinentie; an & cum sit virtus actus.

V. Ad quidnam, quomodo, & quoniam obligat præceptum ieunij Ecclesiastici; & quinam ab eo excusat.

VI. De castitate velut tertia parte subiectiva temperantia, & virginitate eidem subiecta.

VII. De luxuria, vitijsque eiusdem speciebus castitatis oppositis.

VIII. De partibus potentialibus temperantia, speciatim de continentia, & mansuetudine, vitijsque oppositis.

IX. De modestia in genere; deg. humilitate, ac vitijs oppositi superbia.

X. De studiositate, alijsque modestia speciebus, circa motus corporis, & res exteriores; vitijsque oppositis.

DISPVTA-